

惜
抱
軒
詩
集

惜抱軒詩集三

古體四十首

新城道中書所見

大霧被野天爲遮海東過不翔金雅寒威逼人歛默息
倏忽眼眩生奇花是時夾道萬凍木半生半死交杈柯
含靈孕氣作怪異纈如桃李冬揚葩蒼龍立海負冰雪
天女墮地紛珠珈黃帝此夜戰涿鹿蚩尤肩髀埋谿壑
三軍凱旋盡解甲亂挂林木光明霞千形萬態未易究
琮琤忽墜當吾車發書占策苦不得野老能說殊亦佳
或云休徵備飯甕相載千億收禾麻或云此谷達官怕

有鬼欲瞰高明家從來休咎兩難定況何與此枯樹耶
紅鱸圍坐別妻子敦宿起看聊矜夸虛榮幻象豈久據
午位已正陽輪加飢腸得食出戲語荒店凍壁題欹斜

阜城作

積雪河間道初日弓高城單車十二月自此將何征僕
昔弱冠歲始竊鄉曲名充賦自南來意氣頗縱橫謂當
展微抱庶見康民毗行能苦陋薄疾痰復相嬰十年省
閣內回首竟何成側聞太山谷往往仙人行雲霄晝下
鹿東海遠騎鯨願言見求道倘許傳其精披我故時裘
浩歌出皇京旁觀擁千百拍手笑狂生

於朱子頴郡齋值仁和申改翁見示所作詩題贈

一首

我昔少年百不求車舟載走殊方州短褐之衣飯不足
曾探江漢千珠旒偶向人間結豪士擊筑和歌燕市秋
自從通籍十年後意興直與庸人侔徑辭五雲雙闕下
欲攬青天滄海流故人剖符守東嶽長髯忽對當風虬
坐中賓友况英俊聞名往往從交游嘉陵驛路劒關口
君昔黃綬憂民憂一朝解印歸不得西南漂泊猿憂愁
是時朱君亦鞞客攜子登閣觀江涪萬里解散復會合
并有百錦囊歷歷翰荷君爲我盡傾出紅燭低看三白頭

精金美玉價在市鯨波蜃氣升成樓信知江山助雄麗
使我媿向平生揆擬將雪霽上日觀當爲故人十日留
高巖磨礪不敢寫盡借巨筆鑿天球文章道路識老馬
世事滄洲漂白鷗相看興極一迴首日月往矣空悠悠
歲除日與子穎登日觀觀日出作歌

泰山到海五百里日觀東看直一指萬峯海上碧沈沈
象伏龍蹲呼不起夜半雲海浮巖空雪山滅沒空雲中
參旗正拂天門西雲漢卻跨滄海東海隅雲光一線動
山如舞袖招長風使君長髯真虬龍我亦鶴骨撐青穹
天風飄飄拂東向拄杖探出扶桑紅地底金輪幾及丈

海右天雞纔一唱不知萬頃馮夷宮併作紅光天上
使君昔者大峨眉堅冰磴滑乘如脂攀空極險才到
夜看日出嘗如斯其下濛濛萬青嶺中道江水而東之
孤臣羈迹自歎息中原有路歸無時此生忽忽俄在此
故人偕君良共喜天以昌君畫與詩又使分符泰山址
男兒自負喬嶽身曾有大海光明暎卽今同立岱宗頂
豈復猶如世上人大地川原紛四下中天日月環雙循
山海微茫一卷石雲烟變滅千朝昏馭氣終超萬物表
東岱西峨何復論

孔塢約集石鼓殘文成詩

在昔成周造西土日出海隅皆奄撫同文遂光天子政

異學敢施私智舞大蒐有禮朝金鳥小雅餘蕭鐫石鼓

東遷孔子悼詩亾史有關文吾尙睹

用劉子駿說

偏興暴國

尙首功撥去古文焚一炬小篆從茲法丞相爰歷競言

受車府援筆且僂徒隸才立政安求周召侶雖然六體

試古文尙有典刑存一縷魏晉以後述者稀科斗僅傳

逮韓愈厥後推求鐘鼎文形響猜疑似讐訾銘勒誰可

迹邽梁真偽奚能知岫嶂獨畱此鼓見周人猶似裔孫

瞻鼻祖文士甲癸紛臆決強定成宣道文武斷文闕義

那得知偉畫奇樞差可數一朝聯綴使完善墜玉零珠

同貫組文王清廟固難睎急就凡將真下頰乃知翰林
有奇智鍊石星躔如可補嘗疑秦篆一家學叔重雖精
猶異古言之成理或近鑿有似郢人書燭舉保氏本體
蓋茫昧後賢傳說時外午日在艸中會意算背私公乃
韓非語豈如石鼓堅可信迺謬胡爲譏厥父說文其日且冥也從
日在艸中石鼓文从早不从日按說文載自芥至薊五
十三字大篆皆以从艸算固草名見詩安知非木草名
而假借以爲蚤算之算亦猶蚤之借蚤蝨也以假借言
之亦不必取日在艸中矣又說文公平分也八猶背也
韓非曰背私爲公石鼓公字下从口不从八亦不合背
人之說而說文載古文訟字下正从口故知石鼓可信
必以許氏所解六書說禮無徵傷杞宋崇舊有由敬收
義難之則反失之矣

尋嗟君好古如食跖快讀奇字嘗如吐益友多聞求寡

昧家法虛懷銘僮僕何當再發壁中書小學源流勝張
杜

題唐人關山行旅圖

亂山奔如濤急水高如山千山萬水不可度況有倚天
絕地之雄關終南東走洛與宛劔閣岷嶓天最遠山頭
日落關前晚青烟滿地黃雲返棧中馬足躡重雲巖底
車聲行絕坂後有輿從前建旄孤騎席帽絲鞭操負擔
汗頰賤且勞耳邊不斷風騷騷猿鳥悲嘯兕虎曝青楓
密竹苦霧塞仰首始露青天高林闕地闊春陂綠商舶
漁舫牽纜續嘉陵江水下渝州愁聽巴人竹枝曲不道

曲聲悲且說含辭苦山頭十日九風雨君王腸斷爲零
鈴行路誰能不酸楚路艸巖花秋復春關山猶有未歸
人丹青寫盡關山怨千古行人行不盡將身涉險豈非
愚不及田開藜藿飯或言男兒桑弧蓬矢射四方那得
日在妻孥旁樵夫隱士同一谷英雄賈客偕征行士生
各有志未易相評量亦有進退無不可出亦非見居非
藏蒼生自待命世者豈必棲棲求異鄉

正月晦日期應宿同游浮山余往徧歷諸峯而應
宿不至遂宿會勝巖次日至華嚴寺作詩歸示應
宿兼寄朱竹君學士

朝暉揚瀾渡明漪泛龍嵒舍艇杖筇入兩崖一道雨石
若垂天雲與地離跟崑立柱裊纖箭垂乳墜擁腫長風
流其隙飄搖殆將動初入浩笑廊題名紛蟻螻昏澗開
一讀鼻磨目勞峒三曲既穿洞一門俄出窺睥睨昔建
矛搏鬥事呼詢中山信人傑造迹拔砦勇浮雲失前功
巨障有餘輩徐中山破浮山砦事見本傳今尚有陳氏所築砦門超登萬壑上空
宇散羣壘嘗聞此山木連峯覆鬱蒼甌僧不知惜十八
樵熅熄俯視惟壑谷青葱若箸總上有石攢羅象似豈
寓俯江湖漫遠明峯稜點脩簷是時春始和菜麥競刺
壘佳人終不來逝鳥時企獲天風警虛襟寒陰肅晝恐

天池見纖鱗人言乃龍種卻立不敢浴引手聊一捧
池水洗石蓮戲苔羣慙憑繞雲梯頗峻僧導使余踵右詣
張公巖欲乞餘鉛頃夙聞九帶禪晰義啟愚懂異哉不

二門兼紹洞山統

遠公本臨濟下嗣而受洞宗太陽和尚記以授青公使遙嗣太陽今洞宗

皆其後也我登遠公石但見青艸莽安得聞說法顛頂灌酪

潼日暝返龕閣中心獨悵惜青鐙熒石壁照佛兩臂拱
終夜風雨急環巖吐泉孔坐待朝陽洞果見先曠隴置
案未盡餐僧雛來趣董西北舍舊歷東南發新竦紫霞
關其隘穹崕偃脩竦僧登余未上仙牀危可悚最鉅金
谷巖斑駁蟲上湧赤玉挂彎環青天受蟠擁巖竇立金

容縱橫結梁棋其右闕石室弁上竅若籠冬凝曜冰柱
春雷墮乳桐有童試擲爆匄般坻隕隴其外沸石泉當
戶三曲踴長谿決兩隘霜鏑拔鞞琤轉入華嚴寺高林
墮鳥翫鯨鏗震幽陰奚啻破蜩蝻遂穿巨竹徑上詣可
師塚婆娑芳桂陰跌坐遺屐愿借問張文端寧辭柱石
重蕭爾此淹留何如驚辱寵張文端有浮山十可坐處桂下其一也有志
嚮浮山自余始角慙長序仲孚詩銳思撥倥偬余有左仲孚浮
渡詩序悲哉吾仲孚奄已乘翼軼而吾二十年京洛仕掄
甘翰林持節來思余隔塵瑜嗟彼千里驥倏以短轍戛
至今壁上刻光晶照珠琪惜我先後迹與君不可總此

生通世役幾如說楛拳孰慰獨游寂靈怪交獻奉所恨
未聞道仍將棄凡冗糞掃石壇隅終身縛竹箠遠道或
見思作詩遺笑哢

雜詩

誰植高原樹花葉相離披幽陰上蔽日野鳥中巢之朝
飛呼其友莫宿呼其兒豈不樂平生久託終不移微霜
變青綠涼風又先吹餘葉猶滿林颯颯聲何悲四海諒
云廣欲逝願裴裒獨食雖得飽不如羣食飢一夕不相
親百年安得知但異藏弱羽奚必棲高枝

挾瑟昔侍君中宵錯明燭芳尊前旣陳眾女皆列幃不

謂微且鄙過蒙君顧辱爲君起新聲竭才自結束盼矐
人心移曾無待終曲堂上有萬里薄帷能蔽目親者巧
有餘疏者拙不足欲逝不敢遠沈吟就別屋秋風拂堦
墀皎月如寒玉恐欲傳清光爲人照幽獨

陽澤將被物秭鴉乃先噪天運苟不通密雲柱西郊哲
人亦何爲託與萬物遊語默非有心進退一所遭嗟彼
盛名譁雖值禹與堯不容蓬艾間乃有膾胥敖

握有荆山璧不以易銀鏐韶虞發高音陽阿何足謳高
門擊鐘磬尊爵缺獻酬酒肉雖飢人豪傑當懷羞不聞
弋鸞皇披羽持爲裘一朝毀周鼎鑄作棘與纒白首不

能言小子方呶嘍願舍中閨態君當聽道周
步陟高巖巔浮雲鬱如海扶桑升園日眩曜生五采宛
虹首幽恆江漢托其尾氛霧條清激昂嶽乃錯峙俯聽
深崢嶸空曲巨聲起勃上充元天下達幽泉底倡始羲
黃前萬世卒未止傾耳魂九逝返乃得宮徵獨抱虛音
歸中心竊自喜寫曲欲遺誰真有伶倫耳

湖上作

江湖日夜上廣澤何瀾瀾青山隱其側白日漾其裏竟
日無檣帆鳧鴈或孤起傾耳鳴瀨閒植立澹何俟昔者
水中央蓋有天下士豈忘濟物情審見人與己名姓不

可聞何況觀容止默默千載下悵望辨茲理

平皋日將暮艸舍面陂湖良禾被當門喬木列萬株含
綠泛幽光長風忽披敷水鳥雜岸禽異響如相呼近玩
既蕭沈遠趣來虛無不知青冥外沈霞杳何徂人生各
有適豈論榮與枯倚立待暝月孰云高興孤屬言寫自
賞非欲遺吾徒

暮行青山下宿田家作

江皋夕霧中初月寒津上雜樹轉蕭疏長風拂清曠夙
憂青山隅既暝猶一望勢別列殊峯光沈藹同嶂夜鳥
寂還嘯春澗幽逾壯人從艸徑逢屋與雲巖竝感茲洵

有情欣我久無恙場圃共披襟風露頻開釀耽樂未渠
央疏慵任遺誘

康熙閒無爲州僧曰修學死而其身不壞其徒塗
以金奉於所居三官廟舟過瞻之作詩

是身一塵垢與物孰爲親有迹與無象二者孰爲真借
問此比丘方其閻世辰杳乘六氣辨萬彙同一鈞縱復
隨化往存者猶日輪何爲累一蛻長託茲川津萬劫一
剎那久暫固已均不以去爲快不以存爲珍見者自分
別何足議至神速朝臥小艇了不見異人躡屣謁導師
默與扣淨因推測可與否定知師不嗔出門縱鳴榔烟

霧江泚泚

消采石值沈南雷來爲姑孰山長夜話因贈

江山俯仰皆吾舊送我清風滿襟袖雙撓徑度大江東
南徼雲霞皆出岫高閣平臨日月輝傾巖下湧金鍾奏
空江遠影弔蒼茫幽谷寒聲生左右止疑萬古謫仙人
念我平生尋邂逅那知玉趾向姑溪正挂蒲帆出杭秀
開尊丈室寘盤餐燒燭深宵繼窮晝小邑經師道自尊
荒邨菜食容常瘠風搏秋澤見鴻翔雷響春陂聞雉雉
安有才如萬斛泉不汲王明藏井發明朝我欲攬鍾陵
未獲爲君停宿留祝君早起濟當時儻有音書寄巖竇

舟中望板子磯以南山勢甚奇因題長句

黃山天半卅六峯，包含雲海蟠奇松。忽乘風霧走江岸，
橫入江心如臥龍。風清霧霽水搖碧，遠見初日穿玲瓏。
烟鬟俯仰久未定，玉圭角立誰爲宗。十年前再入春穀，
每下籃輿搯短筇。楓丹照眼秋錦亂，茶香薰鼻春焙濃。
山中猶未識山好，正坐一障藏千重。輕舸兀坐忽昂首，
有似故人天際逢。凋零綠鬢塵埃後，借問青山好憶儂。

田居

自我游人閒嘗恐，失情性負擔偶歸休。捷戶良多幸外
物解羈牽，中田託鶻詠。旣免五漿驚，又謝四簋敬。乞醢

常友直飲酒安用聖寡偶亦可懼多稼况爲慶白雲與
戶齊青山入檐映南榮就冬暄北斗懸夜柄逝者諒弗
居優哉復何競將老澹忘年達生庶無病

題四夏山吐月圖

環海世界中須彌光明隱蔽行兩規元夜穹蓋覆四維
清氣鼓動東南陸寒魄欲吐風先吹倒影滄海升屣屣
壹氣孔神中夜持仰首雲隙先見之或來稽首問導師
指端湧現圓若斯憶亦沅澧隘沙羨洞庭下侵高樓危
四夏起坐星杓垂月生尙在湘東涯半映湖面山蔽虧
須臾天地成璫瑤夢游所到不可追惟有明月窺余帷

於子穎揚州使院見禹卿遂同游累日復連舟上
金山信宿焦山僧院作五言詩紀之

結友二紀前別離萬里外每恐終此生無復容交會安
知三故人一夕今相對綠鬢既先凋行恐成鬢鬢妻孥
幸無恙幼稚盡成大兩君蓋神祐滇蜀出萬隴僕也疾
未平中朝謝儔輩舉目孰不改身存心可碎擲擇儒與
佛有得差爲快既攬淮南春雕闌雜錦繪使者官事餘
翩然動旌旆連舫指空江但見天垂蓋駁嶂立陽爨受
日騰光怪陰壑靄如雲蒙籠奏悲籟陰陽有開闔一氣
無遷代誰云逝者多澄川故如帶舉觴酌馮夷布席臥

驚汰聊與平生心從容託江瀨

同王禹卿馮拙齋游八公洞循招隱寺歸

潤州山雄如戰馬駢飲江中尻未下長波漂盡百興亾
古淚登高誰不灑不知夏有南山南疊嶂雲關塞平野
初穿幽谷琅玕入卻聽細寶珠璣瀉陰陰鳥語萬朱櫻
寂寂僧居十蘭若兩君梵行正清修伴我蕭閒如結夏
未須不二問維摩風磬一聲言自窅空階久坐袂生寒
小嶂試登筇可捨夏斟虎跑甘如乳重過竹林青沒蹠
豈徒公輩夔家山我亦淹留爲白社江風吹而返歸途
還入喧聲攢萬瓦

偕蔣春農舍人王元亭給事金蔣亭御史登江鶴
亭康山艸堂

憶昔武功身不用南走江津作游弄江風海月四天垂
中有琵琶聲一縱清濁都忘身後名軒裳那計當年重
世閒從此有康山二百餘年存屋棟江君新葺作階墀
千歲虬龍今始種每來放鶴羽如輪縹緲雲霄思獨控
揚州三面邗溝上中阜獨臨天宇空風前帆影入城來
天際斜陽低首送臺省兩賢皆鷺鷥舍人文筆真苞鳳
淮南芍藥落花時記八層軒畱玉鞵獨余不飲復無詩
應媿主人開馥鬢

惠照寺分韻得自字

我昨山中居嘗愛林下寺每俟風雨休杖藤輒孤至矧
茲清郊外良朋逾三四道人晨啓關涼蔭徹幽地墜萼
點階稀高藤仰空遂壁墀唐相題宇拱金人臂山鳥罷
號時風篁識聲自曠謂聞見間奄忽忘深智身世苟無
牽頻來坐寒翠

暑懷

乘化日行逝童稚固已然朝徂暮復改矧此將積年一
室曠清暑桐蔭落疏懸涼飈條西起和鳥鳴階前飛雨
遂飄颻墜葉亦聯翩適賞在須臾顧思彌悵焉混成故

無尾象帝詎有先悟彼空外旨汎此世閒緣夕陽忽西
露倚檻聽悽蟬

潘惟勤弟兄有小園在城北當龍眠山口林麓豁
嶂蟠擁最爲可愛惟勤於松下作亭余爲名之曰

谷口亭

龍眠崖壑誠幽峭一往深如處窅奧卻來谷口快平夷
青嶂芙蓉開四照筋彊骨健易江山登涉平生恃年少
而今老矣欲閉門苦畏柁舟及輿輪城闔徒步半里餘
及此林巒已妍妙朋游獨往皆不惡但欲雨晴途不淖
朝暉尙及露濡灑晚日更看山照曜況於松下落陰翳

萬樹寂無山鵲噪夾谿紅葉颯蕭蕭天際秋聲時一到
農樵遇我不相顧倚柱獨吟頭自掉世間多少東海生
吾作井蛙君勿笑

張印沙七丈得先職方亦園故址作逸園

吾邑青山圍四境小嶂城西庫亦勝昔吾先世籠有之
遂作兩園地相竝其後閱姓凡幾家敗牖積垣蓬滿徑
新堂忽起闢荆榛舊木猶存覆陰暎百年父老觀廢興
舉觴競來爲地慶丈人健吏勇爲國嘗抑豪彊沮姦倖
餘才歸逸作茲園舉廢治荒譬爲政賤子歸休一畝宮
橫榻僅容指塵柄每于田野縱嬉游復荷鄉閭同愛敬

霜風吹澹夕陽時往聽僧庵打鍾磬開軒松竹復清疏
解帶親交共觴詠坐久時逢歸鳥斜飲罷仰看圓月正
百歲如輪那得知一日縱狂何足病老梅巖隙已含苞
夏待雪香攀石磴

夏晝齋居

中庭榮夏木靄此南榮幽微風汎其陰好鳥鳴相求乍
聆已可怡移時復悠悠未知古與今此意有遷不願言
觀吾生託與萬物游

望道苦弗見安敢輕爲言大哉天地化示人初不煩物
表時一遇忽又汨其源孤生千載後屬念祇弗諠客從

茅山來教我默自存服氣至萬息願見天地根多謝丈
人意求生固有門警乎游恣睢何爲畜於樊

終日居撻戶披卷慰寂寥久坐生微涼不待輕紈招上
覽虞夏興下及衰亂朝耳目雖不接感歎自蕭條舉首
望中庭忽歛西陽驕喬木陰暮氣朱霞灼穹霄檐昏已
飛蝠林杪猶鳴蜩俯仰萬化中安知盈與消

感冬

四運革成歲日月播陰陽萬化靡弗徂天地固有常元
陰蔽朝日堅冰嗣微霜俯仰偶一世思彼乘雲翔旣無
終與始焉用思羲皇願言從問道或爲言其將

王叔明山水卷

大山如雲高蔽日，小山如肩青入室。千林過雨長青葱，
大山小山濕爭出。低首見峯仰見水，軒窗宛此空巖裏。
此中有士無四鄰，艸木猶滴太古春。巖花落盡春澗長，
遂有漁舟來問津。居者既無求來者亦無意，但見白雲
倚蒼翠。屋上寒雲流滿地，山風卒起漁舸歸。澗石交鳴
幽嶂閉，借問何處有此山。豈非廬與霍，盤互雲霄間。哀
猿思鳥不知路，惆悵王孫游不還。眼底溪山止平遠，嵐
光深處飛禽返。開塗伐木吾無徒，老夫那得淺絕巘。昔
聞趙承旨作畫，居吳興筆法晚。授王氏甥，授受有緒諒。

可貴意匠不到天機生妙趣磅礴出域外承旨雖工容
未能我憐叔明擅此技丞相之宅才一至明祖殺士夫
何伎嗚呼翰墨祇作他人娛露才往往傷其軀曷不避
世深山居竟友麋鹿從樵漁衣冠名姓世莫識結屋無
能與畫圖

仇英明妃圖

明妃一出蕭關道玉顏不似當時好卻留青塚地長春
復有畫圖容不老漢宮佩劍卒舉旗分布四馬連尻雕
毛端颯有風沙吹侍女頰具宮中篋中有檐榆擁獨騎
落日黃沙萬馬迹臨風翠袖雙蛾眉欲到穹廬前幾許

賢王迎跪廬兒語琵琶曲終淚如雨佳人那必逢佳侶
表飢生分漢帝憂容華死作單于土遺事竟寧傳到今
王昭有曲聲中琴仇生豈亦能知音寫出別怨關山深
正使夔州衰杜老春風省識忽傷心

贈錢魯思

少日懷賢甘執御既老猶思身一遇渴來三載皖中居
惟對龍山如可語城外拍空江水流雲中引首時登樓
東風忽有天涯客青艸生時吹泊舟裁詩作字皆非俗
意中正繙開元躅信古方能見性情遺今誰得加榮辱
世間口說何紛紛未知天意於斯文鳳凰五色偶鳴和

麒麟一角方超羣，有才如此誠難得。田舍禿翁長語塞，
邀君風露月明中。坐歎玉英人莫識，卻憶平生知子時。
侍郎舉族住京師，安昌弟子聞張樂。謝傅家庭多詠詩，
樽前冠蓋俄逾貴。室內孤嫠今莫支，門戶難留百年盛。
文章要使千秋垂，修名莫待榮華落。白日終令奴隸知，
頻來莎砌同消暑。耽聽狂言亦未癡。

唐伯虎赤壁圖

東坡居士賦有畫，風月無窮瀉清快。畫中有賦情亦奇，
唐寅使筆能爾爲。登高臨水秋氣悲，山空夜明木見枝。
憑虛欲望天涯處，可似湘中瞻九疑。九疑山高湘水深。

重華不作哀至今青楓搖落幽竹林湘君竊立風滿襟
江妃海若夜起會或有雲中竽瑟音雲開月出天寥闊
俛首悲風興大壑不見帝子乘飛龍但有橫江之一鶴
橫江鶴何裊裊蘇子乘之去不回賢者挺生當世才重
之九鼎輕塵埃脫屣竟從赤松子賦懸日月何爲哉情
往一樂復一哀後六百歲余茲來曳杖江頭看山碧思
得公語從追陪請與圖中二客偕今夕何夕月當戶霜
落收潦面深渚涼風吹林蕩空宇作詩要公公豈許

感衰

朱顏相娛嬉修復爲老醜每見長童稚屢失故交友生

平免天折得天諒已厚所志尙千百爲者才八九終非
力所及曷不歌鼓缶第恐日失足盡隳平生守松檜晚
彌榮所以異蒲柳脩短未足論請勿喪吾有心與逝者
寧道與存者壽

送余伯扶重游武昌

好士如好山不容置几席好詩如好士每見輒增益皖
中山遠人主稀愛咏清辭長而壁余生才名二十年江
關處處吟飄泊蕭條秋氣遠歸來落楓未盡還爲客挾
冊棲遲不療貧青山重過句仍新往憑黃鶴山頭望江
漢風流今幾人

夕懷

西嶺斂斜規餘暉猶辨色暗牖此終日俛起釋書策巡
檐風蕭蕭墜葉動階石羣鴉得枝棲復起噪林側萬物
皆寓形何者爲主客追前信已愚探後詎爲適舉首默
無論寒月偶清夕

見禹卿題拙書後因寄

侍讀淨業眞頭陀靜中萬象觀菴羅起攬風雲入紙墨
筆勢所向揚天戈金翅擘海作平地巨靈分山流大河
世人不悟三昧力將謂妙蹟回永和嗟予弱腕縮春蚓
索處陋巷藏泥蝸何緣手迹荷題字皮薦價視蒼壁多

憶昔風帆共投宿金山夜鼓驚鳴鼉君呼起說微妙義
履行巨浪穿烟蘿倚立雲間天澹外長江蕩與空相摩
二客恍知衲世在千生了辦須臾過人閒別離細事耳
乘輪退轉憂蹉跎此子頽困臥已近死與子那得長委蛇
臂可爲初祖斲三折豈屑張芝波快雨堂中想投筆
仰見圓月升墻阿江上一書通問訊翻湫倒海將如何

荅王生

古人曠不見生世惻愴多幸逢賢哲知交臂倏已過鄉
耆盛文行孟韓紹同科四海士仰流踵門肩相摩嗟余
生晚矣始冠費庭阿繼見會幾時奄復從虞歌所承得

綫雷洪流逝江河況復久遺忘
髟領垂衰皓猶欲抱殘缺
爲昔揚其波豈不愧諉聞稍足異傳訛
顧恨學非優身名一么麼
時髦策遠鷺高閣冠莪莪孰于數澤下而
爲焦朋羅坐是臥蓬衡緘閉如廡竄
邈隔後來賢朱墨方研磨
寫述恐弗遂畢世埋殯莎
獨君不見鄙每顧問無他
投卷逾束帛陳藉璋瑋見譽配懿古
魏汗生顏醜豈君擇取舍有願
正哀頗睽茲牛下鐸尙俾雅樂和
廣地孰無材利欲爲之剗
塵霧苟不興萬里曜護娥士
爲干章林毋爲附施蘿
寒風發江濤危葉墮庭柯
一觴向風月願得相婆娑
念子百里外弁影篝鐙俄
問井歲

苦饑併日塵生鬪古鬪卽俗鬪字 飢喉出金石植道爲嘉禾報
詩惡言耄嘉貺將奈何

題張篁邨萬木奇峯圖

一峯掘起天當中 擄挂元氣開鴻濛 左右闔闢兩巨壑
逕路各絕風雲通 松風遠自雲中起 搖蕩雲光山色裏
水交山斷置人家 松響谿聲動窗几 巖高谷迴居無鄰
松林有路無行人 豈非高士嘗避秦 自此千載無問津
又疑靈境與世隔 乃是天地神物之所珍 我家龍眠東
西望兩谷口 每至夕陽時 嵐光紛照牖 日月逝矣身今
衰 芭屨竟隔青崔嵬 御尋圖中幽谷到 窳處忽有數峯

天際來張君畫山最得古人妙俯視百年畫史皆塵埃
人家收得尺絹素屈指不數王麓臺何況林卉與翎羽
擾擾俗工何足取薜幹戴嵩堪障壁徐熙周昉遺兒女
落落平生山水情移將看畫亦眼明於今安得張君死
復生與余結茅共對青山青

借抱軒詩集四

古體三十首

題合簫樓藁

國風有正變用冠皆婦人德載重一世美言播千春江
山壯龍虎人物渺荆榛卓茲白髮嫠養志忘賤貧濡翰
寫胸懷皎月升秋旻感激或哀怨終無俗淄磷二班漢
東西異彼蔡與甄何況競宮體綺麗玉臺新少游詠芍
藥茂與昌黎倫異哉女郎詩於今論過秦

宿攝山幽居僧舍次日略覽山中諸勝逮暮遂歸
五月暑未甚況經新雨餘攝山若雲起飄然望遠墟由

郭偕好事入谷扣關居日哺禽聲涼崦風逐籃輿萬樹
欹澗壑一鏡耿軒疏夜爨傍佛龕晚案得山蔬雲白綠
林外鳥嘯朝日初推枕噴清泉杖策曳輕裾雜石擁樹
根萬疊雲濤如穿徑石雲中杳然疑躡虛法刹引遐歷
宮樹亦瞻諸高松蔭暘行清若循階除亭午不逢客
寂爾惟鐘魚回首金碧轉始知山徑紆聳望最高峯筋
力乏升岨循年嗟老矣視日盍歸歟復向山僧約期余
巖桂舒

九月八日偕葉治三陳碩士從弟儀篋姪彥叩謁
明孝陵游覽靈谷寺晤其方丈僧祇園

萬事靡弗改誰能測所終
蔣山自齊梁幢蓋浮屠宮
安知明祖宅毀塔遷誌公
何怪三百年廢闕生蒿蓬
我來謁松下黃稿閒霜叢
故事誠已少今帝德良隆守

吏衛樵蘇金碧餘穹窿環
峯嶂東南西眺曠青空郭
外隱大江杳來逝無窮杖
策越斷橋攀躋入巖東密
樹欲無徑涼颺激榛中積
垣外已盡立殿中猶雄想
見徒建初頗極匠制工老
僧爲設餐共語斜陽紅竇
彼萬古懷企此三幡通人
歸壑谷閉深翠澹濛濛林
杪餘塔頂盤鵲下秋風

良醫行贈涇陽張孝廉

荆

自古良醫多出秦孝廉晚出當其倫授受無從古術絕

山川靈異能通神一戰燕山崩羣士殿側裁文奏天

子君中已酉順天鄉試是歲詔要試宮內謂知弓冶繼家聲孰料刀圭起

人死江山地有金陵壯萬室曾城壓江上乃翁強項困

爲宰令子活人譬良相經營智出非禁方痛癢情切方

無恙老夫臥病常兼旬賴子每過情愈親已信發著適

有喜況聞快論偃可伸君家孝友稱義門詔書褒使

薄夫敦乃翁行古非俗吏餘慶那不遺後昆帝所諧聲

待韶夏天池奮翼須鵬鯤地中生木象慎德況年始逾

冠加元術如和扁固小技文高潘陸猶無論截辭終南

氣未已當今相國誠賢矣安知人無邁古才
夔與成周閔散比老夫未死得君醫拭目人
間有見時願子勉學致其大一世膏肓皆可治

與張荷塘論詩

薰蕕非同根鴟鴞豈竝處欲作古賢辭先棄凡俗語青巖萬仞立丹鳳千里翥寶氣照山川芳華出霧雨快此大美聚亦使小拙嫵淺易詢窳嫗險怪趨虬戶焉知難易外橫縱入規矩小點弄狡獪窺隙目用鼠不知虎視雄一嘯風林莽噉噉雜帝井喁喁媚兒女至言將不出曩哲遭腹侮謂獲替未搜頗疑今者愈嗟哉余病老柰

此眾簧鼓絃上矢難留蓄憤終一吐不期得吾心君先
樹幟羽將掃矣且庸略示白與甫病凡偶對論陽氣上
眉宇東南百俊彥解者未十五寡和君勿嫌終世一仰
俯有得管幾人屈指君試數

訪坳堂觀察於城南寶光寺釋皓清亦至讀觀察
近詩數十首雨中共至皇姑寺作詩二首

江霧帶長干南望盡蒼碧何處使君居空山少人迹東
風汎林影逕艸含新色數轉造精廬遂爾逢巾舄漠漠
寒雲光幽幽丈室自由僧共披帷飛雨颯沾席清言接
今茲高文自曩管真性不容過筆墨偶流溢結習誠未

忘固已遺喧寂誅茅鍾阜巖邀君共晨夕

樹引南岡升雲垂午光晦披衣細雨中曳杖荒林外企
彼建琳宮遠矣自前代庭圍青竹幽石倚紅牆壞危閣
墜冷風空櫺塞寒霑列架備龍藏展讀吾未逮所欣道
人韻敷坐肅相對

借方坳堂登牛頭迴至獻花巖宿幽棲寺

昨雨竟夕晨未休與君宿約登牛頭我怯欲止君意銳
中道稍幸霾雲收山陰轉至南澗曲佛宮上倚雲峯稠
八門階磴鑿蒼翠兩闌松桂交龍虬十圍銀杏穿入地
再出若濟興陶邱霑衣尙有林雨驟拄杖且趁石逕幽

深洞傳爲辟支坐小沼或記昭明游世往荒味不可辯
登冢一俯千山周東來句曲氣咫尺大江三面環如鉤
仰思萬古正懔懔飛鳥忽逝投滄洲下踐僧廊出門外
危循鳥道升東陬獻花巖居萬木杪片壤劣架懸鐘樓
其時山花開且落枝閒偶復聞啁啾迴視來逕杳修曲
山光金碧交相浮幽棲寺近暮投宿林深霧暗風颼颼
道人簪處此石窟遠有望氣來相求廓然無聖乃家法
金屑雖貴寧居昨尙有佛見師所斥了無一法今何修
嗟予與子厭塵搆但云區臈賢鳴鷗若尋第一微妙義
豈於喧寂論誰優山僧煮笋春米熟虎跑泉淪香盈甌

鏡前飽食放頭睡起看呆口青天流

瞻園松石歌爲陳東浦方伯作

簪有淮淝帝起凌江東金陵始建吳王宮蒼松白石傳
是宋元蓄位置乃在西園中是時招徠天下雄游賞時
與匹士同謀畫紛綸史述不可盡故物矗立皆英風蔭
山南徙新宮衛松石遺在中山第君臣際遇自當年景
物蕭疏成異世我朝奄撫江南陲大功坊設行省司人
言江寧使院天下冠日月煙霞生古姿翠華臨錫瞻
園宇松石光輝又一時此邦有宅城西而六朝松石名
嘗擅漁洋司李爲題詩賤子少年會一見四十年來古

松死三品石徙金壇縣嗚呼于文襄沒乃返故鄉何嘗
得一口幅中屣履苔石勿人事興衰變倏忽古蹟銷磨
多慨慷豈如使院長清祿冠蓋頻誇松石異自管元依
天子家於今尙託諸侯帥使君動法前賢事文章可傳
政可嗣倚石松前聽松吹謝公哀樂羊公淚好誦甘棠
召伯詩休借異石菱谿記露砌風軒攜酒尊夏邀白髮
醉芳園古今事往都須置松石之間別有論

雨晴出廬江寄諸同學

北風夜甚厲急雨鳴淙潺大樹俯驚波連舫纜其閒崩
騰勢欲往撼拒力何艱勢極曉應衰柳葉搖翩翩柔橈

蕩春渚芳艸被澄灣重陰旣蕩滌丹霞忽編斑舟進暮
未休野日澹以閒回首碧林外數點龍舒山邈彼二三
子送我出柴關神會無遠近道合非附攀母以損夷憚
屬念爲衰顏

舟中漫興

終朝風有常百里谿多曲屢使帆起落一若路來復春
氣澹多陰四顧垂連綠艸逕人獨行田家麥併熟屬此
旅與居同寄光陰速遇物皆可欣乘化孰非足矍倚舡
窗清展冊呼兒讀

儀舊縣

清江靜無風曉岸初上日高下雲影合遠近山青出連
舫纜盡解孤舟飯未畢倘涉齊物旨曠慕養生術逐事
偶在途澹懷猶一室復此對清遠未應嫌遲疾願與漁
父言仰送飛鳥逸又汎滄波東聊作前游述

題陳碩士母魯恭人端居課子圖

我識夫人夫朝衫託京國繼遇夫人弟幅巾江水北自
始逮今竝春秋三十易當時談宴未偶及中闈德儀容
黯終掩吾友亦遠隔遙想琴瑟哀與彼同生戚徒存四
尺紙繪作鐙火夕慈母如師嚴雜誦殷四壁圖中最稚
兒玉立今八尺挂席出彭蠡就我同書策萬卷容可收

熊丸不復得我聞盡闕氏泣涕甘泉側憬彼休屠子忠
孝漢庭則何況傳經家不匿名當赫又聞悲思者不可
爲太息憐吾失母雖卅髮初覆額奄垂二十年感傷衰
鬢白

金麓邨招游莫愁湖偕浦柳愚毛俟園陳碩士醉
中作歌

四月春風猶未已吹蕩湖煙與湖水水上青山何所似
擁髻莫愁明鏡裏風生水軒三面回白鷺鳧鷖空際來
山光半入城囊括湖影全將天蕩開當軒俯仰人閉世
莫愁尙得畱名字坐上山川處處奇留中今古時時至

君不見英雄誰似中山王一枰昔對明高皇山陰墅賭
謝太傅肥牛亭賜張安昌徐氏到今取湖稅軼事傳或
非荒唐軼事縱傳何必詳元功極貴同泯亾運盡動華
亦鳥滅時來屠販皆龍驤春水滿時春艸長湖波澹淡
漂夕陽欲喚莫愁歌一曲四坐賓客各盡觴顛毛日夜
生秋霜何暇遠計千載事石室金匱求芬芳

題胡山甫不浪舟記後

傻門將渡樓舡津御史欲以血汗輪船危橋安稱曉人
寧知三峽遠導岷負舟廳斥黃龍馴人生自貴此有身
正恐畏途出牀茵至人平視夷險均覆卻不入操舟神

村匝江海雲霞巾馮夷肩吾與我鄰六合一室誰疏親
歐陽畫舫齋名新自記夸述艸木誓憑欄四望疑漣淪
所言枝葉非本真君齋繼作義相循平生未與君主賓
有齋亦未逝其陳讀君兩記擬歐倫賢子求書意頗諄
跋尾君見或不嗔邈哉歐子不可詢

王石丈得異石於莫愁湖余名之坐龍石戲爲作

歌

洞庭雷風夜中起飛度嶠潼戰溼水歸來歌吹月明中
賁主輕綃泣淚紅歡樂悲哀一朝盡寶珠獻得無生忍
歸坐深淵情自枯誰能出此定跏趺莫愁湖影涵秋月

道是龍宮光貝闕探得驪珠何足奇迎將室內坐之而
袍笏下拜情未已儼如其浴咸池底窗前咏作蒼龍鳴
走避定使諸梁驚煙霧繞堦還吐潤或將霖雨爲蒼生

馬雨咩住相圖

自有天地驅羲娥風雲變滅流江河我昔嬰稚今髮皤
如箭逝弩絲運梭直逮建嬰嘶虞歌焉得停晷容娑娑
君取住義將云何君言變者自遷訛有不變者常無他
心如死灰身槁柯所住非中非四阿須彌蚊睫誰么麼
稊米萬物非寡多萬劫靡辨於刹那了無未來與已過
此爲住義奚可訶我聞座根相蕩磨應無所住傳佛陀

須菩提聞涕湧池今始知道異昔科況君涉世猶同波
盡成戴髮爲優婆忽然念起火焚和恐君禪病容未瘥
因言生義皆網羅住與不住同偏頗更請斷臂求達摩
秋齋有述

雨歇朝暎時風來廩秋候樓上倚層軒城端見重岫楚
樹遠連空江雲澹橫畫芳桂已繁英叢蘭猶一秀幽居
謝物喧孤賞欣良覲幸無好爵縻終御多文富淵乎象
帝先曠矣發吾覆寧執近名心翻求百年後

游攝山二首

古佛菴有明太祖御容

學道若不深塵擾輒有損所賴行游趣養真復吾本況

茲絕靜麗深谷抱重巘始尋寺鐘來回視邨逕遠怪石
倚礪興奇柯冒巖偃幽日曠疏照流籟逝忽返偶接道
人談世外情亦恂久處山氣寒眺盡夕陽晚鳥宿人語
絕暗響無一遞圓月見松上長影散偃蹇邈當遺視聽
於法求奧相達彼無生寂見茲有物搃豈必閉石窟沒
齒食芝菌

鑿石龕像佛遠自齊梁爲累世導師居龍象固有儀何
意入僧室隆準乃可窺當時平僭亂四海誠福禊所嗟
攀龍鱗十九遭焚矯戰兢展遺像目角流千鈹想見劉
宋輩日侍豈不危篝火息夜榻聞鐘逐晨麋朝日艸露

聞往讀始興碑慨歎閱千古誰識無成虧

乙卯二月望夜與胡豫生同住愍幢和尚慈濟寺

觀月有詠

夕陰連遠麓嵐翠斂高岑新月吐巖缺先照寺西林
籃輿轉重障杳度碧谿深春樹葉未多疏影落衣襟
坐遙夜妙義託幽尋上階層閣下步重階琳素魄行
無極光霽曠來臨本非有擇照安知受者欽文學俊才
筆禪悅亦所歆余衰邈違世慕道恐弗任非徒遣煩慮
要當遺賞心闍黎淨業就結習猶諷吟共會忘言契何

嫌金玉音

惜我車言身
三月九日鄭三雲通守邀於隱仙菴看牡丹竟日
翼日雨毛侯園復邀同往賦呈兩君

幕府山頭天接水千古英雄此中死惟有東風歲歲來
石頭城下紛紅紫人生何日不當醉何處花開不可喜
況惜晚春餘幾日更對奇葩翻萬葉鄭侯年少發新硯
毛子老儒鑽故紙同欣就我如蒿歎竝道愛花入骨髓
昨攜天香歸滿裙今踏紅雲重曳履明妝已看照晴熏
深暈復憐含雨泚桑根三宿固慚僧羊肉慕羶終勝蟻
華陽真逸來句曲人道此閒嘗隱几齊宮梁苑今何在
況遡神仙真脫屣道人疑是殷七七能使荆榛變羅綺

被惱少陵何用訴樂死右軍差有旨隱仙菴外臺城路
我購一塵家可徒落花風盡艸如茵夏弔斜陽挂殘壘

景陽鐘歌

景陽山作元嘉帝逸游已賈民生計累世增加到齊武
采集良家萬佳麗朝朝從獵向琅琊夜夜嚴粧看星曙
端門鐘遠禁庭幽此時別起景陽樓萬鈞猛虜懸雲陛
五夜蒲牢驚翠幃永明英主猶爲此何怪黃奴極淫侈
迄今偃臥對斜陽卻想雄鳴流結綺無射心疾事當戒
有國色荒寧不隲迹同潘岳弔乘風理異周官命鳧氏
昔者宋武戰勝收金墉西京筮虜遷江東別命率夫干

五百大鐘引出溫洛中當時物有故都思諒與隋陳情
不同臺城自入韓擒虎廢徹雕梁傾反宇坐視宏鐘乘
平楚竟鬱奇聲不可聞定知偉器難爲樹或言此鐘誠
有神霜日駁炙長如新艸閒時起光璘瑋不許中宵輕
臥人我悲亾國此遺迹聞見要畱戒淫僻不然銘毀用
之何足惜

金麓邨招同浦柳愚毛俟園宗棠圃飲莫愁湖亭
作此呈諸君

往者此荒菴吾儕已來眺但欣雲木妍一覽湖山妙樓
觀俄修飭極檻悉光耀旣便陟巡游盍足展談笑博士

信好客先後再承召風日快今美歲月忘昔慙已逾棟
花殘未逮黃梅標千林敷盛綠環堤亂蘆葦豐陰風氣
疏遙青見羣嶠煙深出鷺翔波靜響魚趨近檻種荷葉
翠葉始揚翹雖未吐含葩香已襲肌竅良取富流覽豈
病臨漁釣地運有盛衰人事孰先料亾國感六朝登樓
憑四微帆轉清淮長城倚石頭峭儻來遽舜禹運喪奚
羿澆緬思徐中山大功過衛驪以智僅自全終始明高
廟當世諸文儒豈特冠遭溺事往多可傷迹存聊一弔
諸君采鸞鳳卑棲比鷓鴣久知投閑散大勝執機要鄙
人謝局束倘得展吟嘯所貴鼓缶歌寧惜舉盃酌曠蕩

望無垠徘徊待斜照

跋馬雨叻破舟詩後

大禹昔導江志濟昏墊鑿中流龍負舟聖心堅不撼其
餘涉川民臨濤輒歎感欲停苦不得豈盡負勇膽嗟子
前時歸妻病臥牀毯倉卒往視之別我執手塞石頭帆
北張天門日西暎知止信不殆貪進意猶欲風利急上
駛石險藏下黜苟非神靈祐已入蛟龍噉磯巨夜復昏
舟破木僅攬念與子相親歲月遡髦髡白髮終牖下固
當埋坎窞焉可葬洪濤含珠不投領始聞涕爲幽再見
衷始憐憲子命才脫高吟咏已醺得喪似失馬甘苦類

食攬人生託大化陰陽聽舒慘脩短要有命不係避與
敢食案寢席間或逾鋒銳憊不見王會稽誓墓避世坎
岷我萬里外欲溯三峽覽世情外益忘道味中愈憎子
置青溪宅吾將共鉛槧不然棹漁舟相從入葭菼夏與
傲風濤衣簑食藜糝

梅石居松化石印歌

深谷立龍爪矛戟風雨電雷洵拒格電歸雷傲自吟風
韻入簫韶殷山澤有脂不流作虎魄反真凝髓成霜白
一朝劫至遭樵斤持與市人呼作石梅子懷玉披褐衣
弄印成刊自詫希嗟余禿顛眊視微取廣多識朝扣扉

脩短較石焉敢幾萬物出機還入機狡獪變化奚是非
王秋史二十四泉艸堂圖

濟南南山立蒼玉珠散膏渟遶其足憶循秋水就荒陂
惟見昏煙挂喬木不見詩人舊艸堂百年圖畫展滄浪
低徊翰墨前賢在隨卷雲煙入渺茫

題葉君雲海移情圖葉君字芥一

我昔身在黃山邊青天無翳朝日鮮白雲足下橫鋪綿
彌滿萬谷爲一淵亂峯飛來無所緣蕩搖欲定未定然
高者百丈卑一卷驚呼眾觀足未旋微風已動雲升遷
蒼巖露足藏其巔山靈變異理幽元默存存曾逾八年

葉君好雲揮五弦自言冥會如海壖伯牙移情于成連
千載合轍容有焉圖其髣髴妙不傳我悵前游隔蒼煙
題詩寄思清不眠

朱白泉觀察以其先都統公指畫登山虎見示因
題長句

颯動秋山萬枝響寒雲四野當空上歛歛沙礫走林莽
陰森虎出睛睽朗峯高欲升短頷仰臥枝交戟壓前掌
聳身距躍踰十丈看知都統何處看指端盡得雄威象
想茲暗谷下志在千仞剛鷗目眈顧周四方不屑俯立
同豺狼又疑郴州賢牧守政成渡江驅猛獸平地不復

食性畜奔上高巖取髓欲轉運掉尾直似竿竿崖過迹
深如白都統固國彥指畫亦有神一幘上進天子珍
八十筋骨健濡墨每覺壯氣振遽現活虎驚顰呻文采
班班逮子孫我從三世接交親畱遺墨寶容窺覬回首
登堂四十春我老吟詩轉寒乞驟瞻壯虎心震慄觀察
家聲繼茲日勉爲累葉之虎臣獨立艸閒狐兔不容出
喜陳碩士至舍有詩見貽荅之四十韻

初冬言趨家霜風隕門柳仲冬擢檣柯倚門時出首望
子逾彭蠡計日當至否遠惟古聖籍義富若淵藪鯁生
非宏知鑽研百代後譬如物有十或取一遺九雖然竊

自欣千金享家帶執裾時語人充耳莫爲取獨子甚見
阿戒車屢載糗就我金陵館居我西序牖往復意屬厭
忘餐嘗及西懷此三改歲述別自癸丑今夏寄書說定
當訪袞空起帆時江曲欵戶龍眠口季冬霜雪霽薄暮
客造雷蠟梅紅燭下膽瓶燦金釵竟得展一笑共此觴
新酒人生樂莫樂久別還執手況日迫桑榆小聚那易
有呼我稚孫前俾子問名某俯仰人間士感歎及賢舅
我出銘墓文爾讀目泣瀏新詩情邃切見貽姬瓊玖邠
中子多文足離吾鼓缶敢謂橫海鱗制以寡婦筍頻年
洪州試似不辨稂莠升牒名九十子璞乃未剖所貴士

豪傑千禩期尙友威鳳登絳霄奚較艘企醜本心如日
輪遭蝕情欲誘始謂微掩缺繼昏晝見斗願子念沒世
崇樹三不朽遷義如轉圜而內堅所守文章非小技古
哲逮今壽超越彼粗糲固在頻投日海內諒多賢荷子
老夫厚區區相望心豈在金懸肘北瞻宛邱道嚴君今
衆母樂哉子行逮升堂奉萱滄別離未須恤雅志幸勿
負